


NewspaperSG



We will be conducting system maintenance from 21 Feb, 10pm to 22 Feb, 9am. Patrons will not be able to use NLB's digital services during this period.

Sheik idam anugerah lebih tinggi

Berita Harian, 13 April 2000, Page 18

 Article also available on Microfilm Reel NL21860

Printer-Friendly Page

Sheik idam anugerah lebih tinggi

OLEH YUSOFF A. RAHMAN

BELIAU sebenarnya lebih mengidamkan anugerah Olahragawan Terbaik.

Tetapi Sheik Alauddin Yacoob tidak pulang hampa pada akhir majlis penyampaian Anugerah Sukan Tertinggi negara malam tadi.

Beliau menerima Anugerah Jurulatih Terbaik 1999 dengan melewaskan pesaing tunggalnya, Matthew Tan, dalam sukan polo air.

“Tidak syak lagi kemenangan saya ini akan menaikkan lagi profil silat di Singapura,” kata Sheik setelah menerima anugerah daripada presiden Majlis Olimpik Kebangsaan Singapura (Snoc), Laksamana Pertama (Kerahan) Teo Chee Hean.

Sheik dicalonkan oleh Persekutuan Silat Singapura (Persisi) untuk dua anugerah — Olahragawan dan Jurulatih Terbaik.

“Saya tidak menafikan Anugerah Olahragawan im-

pian saya. Bahkan, Persisi beberapa kali mencalonkan saya tetapi tidak menang, sekadar dua kali memenangi Anugerah Penghargaan.

“Namun kejayaan saya memenangi Anugerah Jurulatih Terbaik sedikit sebanyak menebus kehampaan itu. Saya menyifatkan kemenangan ini permulaan baik bagi mendapatkan pengiktirafan lebih bagus,” katanya.

Kemenangan itu, ujarnya, juga akan menyemarakkan semangatnya sebagai jurula-

tih silat nasional sepenuh masa sejak awal April.

Bagaikan pahlawan, Sheik yakin akan membolot anugerah itu daripada Tan.

“Pertama, kami berjaya memenangi lebih banyak pingat emas daripada sukan polo air. Kami pulang dengan tiga emas, dua perak dan lapan gangsa. Tugas itu menjadi lebih mencabar kerana 21 acara dipertanding dalam silat dengan Singapura memenangi pingat dalam 13 acara,” kata Sheik.



Detik membanggakan: Jaguh silat, Sheik Alauddin Yacoob, menerima piala daripada presiden Snoc Laksamana Pertama (Kerahan) Teo Chee Hean.

FOTO: TUKIMAN WARI